

Акафист Божией Матери в честь иконы Ея «Спорительница хлебов»

Кондак 1

Избранней от всех родов Божией Матери и Владычице Небесé и земли, избавляющей нас от всякия нýжды, благодарственное приносим пение. Ты же, Всемилостивая Госпожé Богородице, приими наше усердное моление, сохрани нас от глада и пагубы, даруй земли нашей плодonoсие, Питательнице и Спорительнице нив и хлебов наших, да радуящеся всегда зовём Ти: Рáдуйся, Благодáтная, Госпóдь с Тобóю, подаждь и нам, недостóйным, рóсу благодáти Твоея и яви милосéрдие Твоё.

Икос 1

А́нгелов Творец избрá Тя, Владычице, к благодáтному человекoв спасению, и даровá Тя Помóщницу людем, избавляющую нас от глада и всяких напáстей, житиé наше дóбре устрояющую в мíре и всяком довольстве. Тёмже со умилением взывáем Ти:

Рáдуйся, благодáтное человекoв от всякия нýжды избавлениé;

ра́дуйся, достоянию Твоему́ помóщь и заступлениé.

Радуйся, христоролюбивыя люди от всяких бед спасающая;

ра́дуйся, алчущих питающая.

Рáдуйся, сырых заступлениé;

ра́дуйся, нагих одеяние.

Рáдуйся, израстившая нам Плод Животá;

ра́дуйся, рóждшая Спáса душ наших.

Рáдуйся, Благодáтная, Госпóдь с Тобóю, подаждь и нам, недостóйным, рóсу благодáти Твоея и яви милосéрдие Твоё.

Кондак 2

Видев Сын Твой, Богомáти, великое Твоё к людем милосéрдие, глаголет Тебé: проси́, Мáти Моя́, занé не отвращу́ся Тебé, но исполню вся прошения Твоя́. Мы же, прославляюще сие дивное промыслениé о рóде человекoв, вопиём Бóгу: Аллилу́иа.

Икос 2

Рáзум небесный даровáся преподóбному старцу Амвросию, е́же водрузити во обители, им созданней, икóну Пресвятыя Богородицы и нареши́ ю Спорительница хлебов, я́ко Ты, Пресвятая Дéво, спасаеши люди Твоя́ от глада, защищаеши я́ от смертоноснаго вреда и пагубы, даруеши земли плодonoсие, посылаеши дождь ранний и пóздний на нивы и поля́ наша. Тёмже вопиём Тебé таковáя:

Рáдуйся, Дéво, христиán похвалó;

ра́дуйся, яко блажа́т Тя вси ро́ди.

Ра́дуйся, яко Ты хлѣбы на́ша благословля́еши и споря́еши;

ра́дуйся, яко Ты нас от гла́да избавля́еши.

Ра́дуйся, пита́ющая нас Хлѣбом Ж́изни;

ра́дуйся, млеко́м пита́вшая Пита́теля вселѣ́нныя.

Ра́дуйся, Плода́ Безсме́ртнаго стяжа́ние;

ра́дуйся, Садите́ля ж́изни на́шея ро́ждшая.

Ра́дуйся, Благода́тная, Госпо́дь с Тобо́ю, пода́ждь и нам, недосто́йным, ро́су благода́ти Твоея́ и яви́ милосе́рдие Твое́.

Кондак 3

Си́лою свѣ́ше укрепí нас, благода́тная Влады́чице, во дни гла́да и па́губы, да не поги́бнем лю́те без пока́ния во уны́нии и отча́янии, но утверди́ и наста́ви нас в терпе́нии и благоугожде́нии Бо́гови, да разумее́м в напáстех и ско́рбех во́лю Его́ святу́ю, благо́ю и соверше́нную, непреста́нно взыва́юще к Немú хвале́бным гла́сом: Аллилу́иа.

Икос 3

Иму́щи любо́вь ве́лию к лю́дем, искупле́нным Честно́ю Кро́вию Сы́на Твоего́ и Бо́га, Богома́ти Пречы́стая, прия́ла еси́ от Него́ власть устро́ити и покрыва́ти род христиа́нский. Ты бо бе́дствующим помо́щница еси́ ско́рая, градо́м и ве́сем, се́лам и н́вам, и все́му ми́ру Покро́в. Тебе́, Милосе́рдной и Боголю́биво́й Ма́тери на́шей, устро́яющей и направля́ющей ко спасе́нию земну́ю жизнь на́шу, со смире́нием глаго́лем:

Ра́дуйся, Благо́го Сы́на Благо́я Ма́ти;

ра́дуйся, непреста́нно моля́щаяся о спасе́нии нас гре́шных.

Ра́дуйся, о все́м ми́ре христиа́нстем к Бо́гу Ходата́ице;

ра́дуйся, благ вся́ческих Всеблага́я Подате́льнице.

Ра́дуйся, пленѣ́нных и в темни́цах заклю́ченных пита́тельнице;

ра́дуйся, телесе́м на́шим здра́вие и душа́м спасе́ние.

Ра́дуйся, яко рай пи́щный процвета́еши;

ра́дуйся, яко приста́нище душа́м гото́виши.

Ра́дуйся, Благода́тная, Госпо́дь с Тобо́ю, пода́ждь и нам, недосто́йным, ро́су благода́ти Твоея́ и яви́ милосе́рдие Твое́.

Кондак 4

Бу́ря проти́вных ве́тров, егда́ най́дет на ны внеза́пно, гро́мы и мо́лнии, град и вода́ мно́гая устремя́тся на зѣмлю, тогда́, Госпоже́ Всеми́лостивая, ускори́ на по́мощь нам беспомо́щным, защити́ и изба́ви нас от дожде́внаго лия́ния, е́гоже сотвори́хомся досто́йни грех ра́ди на́ших, и да бу́дут поля́ и

нивы невредимы от сих, и да не потопит нас буря водная. Тебе бо грешнии имамы Заступницу непостыдную, на Тя упование наше возлагаем и, прославляюще силу молитв Твоих, Рождшемуся от Тебе Спасу мира зовем: Аллилуиа.

Икос 4

Слышаще и видяще Твое сострадание, Владычице, к бедствующим и гибнущим людем, мы грешнии прибегаем к Тебе и молимся: о, Пресвятая Дево, услыши нас, и во дни, егда солнце иссушит землю и от сухости зной будет, и прозябения земная начнут увядати, тогда, Владычице, росу благодати Твоея низпосли на требующия и просящия милости, возвесели лице земли, людей ради Твоих, и младенец их, и скотов, и иных всех, иже чают к Богу дати пищу им во благо время, и от святых иконы Твоея Спорительницы яви милосердие Твое вопиющим Тебе таковая:

Радуйся, молитвеннице неусыпающая ко Христу Богу, на милость к нам Его преклоняющая;

радуйся, гнев Божий на ны праведно движимый от глав наших отводящая.

Радуйся, Матерним покровом Твоим от всяких несчастий нас охраняющая;

радуйся, поля и нивы наша от запаления солнечного и зноя спасающая.

Радуйся, Всемилостивая услышательнице гласов наших молебных в скорби и обстояниях;

радуйся, жилища наша от огня спасающая.

Радуйся, державная скоропомощнице наша во дни тяжких испытаний;

радуйся, от всех бед скорое избавление.

Радуйся, Благодатная, Господь с Тобой, подаждь и нам, недостойным, росу благодати Твоея и яви милосердие Твое.

Кондак 5

Боготечная звезда икона Твоя, Богомати, людем, просящим хлеба насущного¹, немерцаемо сияет. Покровом бо Твоея милости соблюдаеши поля и нивы наша и плодоносить их устрояеши, подвизаючи верных вопити Христу Богу: Аллилуиа.

Икос 5

¹ Слово «насущенный» воистину было «камнем преткновения» для экзегетов. В классической греческой литературе оно не встречается, и Ориген, например, считал, что Матфей сам составил его из предлога «на» и существительного «сущность». Однако не столь давно был найден папирус (дохристианских времен), где встречается это спорное слово. Текст оказался списком «насущенных», то есть «обычных», «повседневных» покупок на базаре. (Схолия прот. Леонида Лутковского на Мф. 6:11).

Видя Тя Сын Твой при Кресте стоящую с возлюбленным учеником, глаголет Тебе: Жено, се Сын Твой. И ученику: Се Мати твоя, — всыновляя Тебе вся верующия в Него. Мы же, чада Твоя суще, на Твой покров надеемся, Тебе, яко Матери нашей, глаголати дерзаем:

Радуйся, Судий Праведнаго умоление;
радуйся, грехов наших прощение.
Радуйся, надеждо наша известная;
радуйся, упование наше непостыдное.
Радуйся, скорбей наших разрешение;
радуйся, печалей наших утление.
Радуйся, пламене страстей изменяющая;
радуйся, всех родов веселие.

Радуйся, Благодатная, Господь с Тобою, подаждь и нам, недостойным, росу благодати Твоея и яви милосердие Твое.

Кондак 6

Проповедует Церковь Христова чудеса Твоя, Богородительнице, от восток бо до запад хвально имя Твое, и несть града или страны, идеже не явися Тобою действия силы Божия, во избавление и спасение, просвещение и исцеление людей христоименитых, наипаче же чрез иконы Твоя святых обыкла еси чудотворити, изливаючи от них струи милостей и щедрот бедствующему и требующему помощи человечеству. Сего ради славословяще Тя, Сыну Твоему и Богу нашему вопием: Аллилуиа.

Икос 6

Воссияла еси от Истиннаго Солнца заря, Дево Богоотроковице, просвещаючи души всех, томимых гланием душевным, рече бо Господь: не о хлебе едином жив будет человек, но о всяком глаголе, исходящем из уст Божиих. Обаче помрачися очи наша и окаменеша сердца наша и не видим очима своими и не разумеем сердцем судеб Божиих. Томимии же душевным гланием, к Тебе прибегаем, Пречистая Дево, и просим Словом Жизни утолити глад душевный нас, вопиющих Тебе таковая:

Радуйся, от убожества душевнаго нас воздвизающая;
радуйся, питающая нас Словом Жизни;
Радуйся, трапезо пресветлая, Хлеб Жизни носившая;
радуйся, пище, манны приемнице.
Радуйся, земле благая, Клас Божественный израстившая;
радуйся, ниво, растящая многоплодие щедрот.
Радуйся, камению, напоивший жаждущия жизни;
радуйся, милость сугубо нам подающая.

Ра́дуйся, Благода́тная, Госпо́дь с Тобо́ю, пода́ждь и нам, недосто́йным, ро́су благода́ти Твоея́ и яви́ милосе́рдие Твое́.

Кондак 7

Хотя́щи жа́ти спасе́ние, я́ко село́ сла́дкое показáлася еси́, Влады́чице, от него́же пита́ющесея, има́мы пи́щу ве́чную и нетле́нную. Мы же, земни́и су́ще, мо́лим Тя, Пречи́стая Де́во: покажи́ си́лу Твою́ в дни жа́твы нив и полéй на́ших, да всяк злак изоби́лует на утеше́ние нас, пою́щих Бо́гу: Аллилу́иа.

Икос 7

Дивно́ просла́вилася еси́, Богома́ти, в защи́ении люде́й правосла́вных. Возстаю́щие на Бо́га не познаю́т, ко́ль сильна́ есть моли́тва Бо́жия Ма́тере. Мы же о Твое́м всемо́щнем заступле́нии, по́мощи и благослове́нии до́бре ве́дуще, си́це к Тебе́ со умиле́нием зове́м:

Ра́дуйся, чи́стых рука́ма и се́рдцем земледельцев́ благослове́нными плода́ми венча́ющая;

ра́дуйся, бе́дствующим среди́ напа́стей и трудо́в внеза́пное вспоможе́ние.

Ра́дуйся, безма́терних сирот́ незри́мая воспита́тельница;

ра́дуйся, помо́щнице всех беспомо́щных.

Ра́дуйся, корми́тельнице вдов и сирот́;

ра́дуйся, подаю́щая си́лу, пи́щу и отра́ду боля́щим и разсла́бленным.

Ра́дуйся, оде́ждо наги́х дерзнове́ния;

ра́дуйся, мно́гих согреше́ний прощ́ение.

Ра́дуйся, Благода́тная, Госпо́дь с Тобо́ю, пода́ждь и нам, недосто́йным, ро́су благода́ти Твоея́ и яви́ милосе́рдие Твое́.

Кондак 8

Я́коже дре́вле соде́йствовала еси́ схожде́нию на зе́млю Спаси́теля ми́ра, си́це и ны́не, я́ко со́лнце светоза́рное, восходи́ши над созрева́ющею ни́вою, предше́ствующи прихо́ду Господи́на с жа́телями. Тому́ и мы со стра́хом вопие́м: Аллилу́иа.

Икос 8

Все упова́ние на́ше на Тя возлага́ем, Ма́ти Бо́жия, и в ско́рбех на́ших ко святéй ико́не Твое́й усе́рдно притека́ем, ча́юще получи́ти от Тебе́ утеше́ние благода́тное и вспоможе́ние во оскуде́нии и нищете́ на́шей, сего́ ра́ди взыва́ем Ти:

Ра́дуйся, ми́лости превели́кия сокро́вище;

ра́дуйся, пи́ще и утеше́ние к Тебе́ прибега́ющих.

Ра́дуйся, хле́бе неснеда́емый а́лчущих;

ра́дуйся, ско́рое ни́щих услы́шание.

Ра́дуйся, от гла́да и ну́жды скорбящих приятно́е попече́ние;
ра́дуйся, к Свѣту Непристу́пному нас изводя́щая.
Ра́дуйся, ключу́ Ца́рствия Христо́ва;
ра́дуйся, наде́ждо благ вѣчных.

Ра́дуйся, Благода́тная, Господь с Тобо́ю, пода́ждь и нам, недосто́йным,
ро́су благода́ти Твоея́ и яви́ милосе́рдие Твое́.

Кондак 9

Вси лю́дие дивя́тся вели́чию чудесъ Твои́х, Пресвята́я Де́во, излива́емых
Тобо́ю от святыхъ Твои́х ико́н, я́ко всем да́руеши по коегóждо прошéнию,
устроя́еши до́мы на́ша, посыла́еши благослове́ние земли́ де́лательем и да́еши
лю́дем всякое дово́льство. Те́мже вопи́ем Сы́ну Твоему́: Аллилу́иа.

Икос 9

Ветии́ многовещáнныя не мо́гут воспéти чудесъ Твои́х, Богома́ти
Влады́чице, я́ко всем конце́м земли́ простира́еши ру́ку по́мощи и
низпосыла́еши ве́рным земли́ плодонóсие, благорастворе́ние возду́хов и
всякое изобили́е плодо́в и благ земны́х. Мы же, во смире́нии сво́ем
испове́дающе Твое́ вели́кое заступле́ние нас грéшных и непреста́нную
по́мощь в ну́ждах на́ших, вопи́ем Ти:

Ра́дуйся, досто́йно восхваля́емая от Арха́нгел и А́нгел;
ра́дуйся, велича́емая от всех Небе́сных сил.
Ра́дуйся, Честне́йшая Херувимъ;
ра́дуйся, Сла́внейшая без сравне́ния Серафимъ.
Ра́дуйся, Влады́чице Не́ба и земли́;
ра́дуйся, Родите́льнице Вѣчнаго Ца́ря.
Ра́дуйся, ве́рная Рабо́ Господня́;
ра́дуйся, ублажа́емая на Небеси́ и на земли́.

Ра́дуйся, Благода́тная, Господь с Тобо́ю, пода́ждь и нам, недосто́йным,
ро́су благода́ти Твоея́ и яви́ милосе́рдие Твое́.

Кондак 10

Спаси́тельное прибе́жище в ско́рбех и напа́стех Ты еси́, Богороди́це,
те́мже испроси́ у Сы́на Твоего́ и Бо́га на́шего ми́лости нам грéшным,
пою́щим: Аллилу́иа.

Икос 10

Стена́ еси́ похваля́ющим чудеса́ Твоя́, Богороди́це Де́во, и всем с ве́рою
притека́ющим и покланя́ющимся Тебе́ и ико́не Твое́й, Спорите́льница хлебо́в
имену́емой, и глаго́лющим:

Ра́дуйся, неисто́щмый исто́чнице ми́лостей и щедро́т;

ра́дуйся, любвѣ Божественныя проявление.
Ра́дуйся, чудес пресла́вных совершение;
ра́дуйся, труждающихся и обремененных сладкий покою.
Ра́дуйся, терпеливых страдальцев дары благодатными ущедряющая;
ра́дуйся, о храмах Божиих попечение имущих духовною радостью
утешающая.

Ра́дуйся, несумненная наша надежда;

ра́дуйся, тихое и доброе пристанище.

Ра́дуйся, Благодатная, Господь с Тобою, подаждь и нам, недостойным,
росу благодати Твоея и яви милосердие Твое.

Кондак 11

Пение наше не презри, Пресвятая Дево, и сокровище любве Твоея не
затвори от нас; щедрую руку Твоея помощи простри нам, да прославляюще
милости и чудеса Твоя, поем Троицному Богу: Аллилуиа.

Икос 11

Светлыми лучами чудес Твоих просвещаеши весь мир христианский и
заступаеши люди православныя, искупленные Кровию Сына Твоего. Темже
припадающе ко святому образу Твоему, на немже зрим Тя, Богомати, на
воздусе над полями и нивы нашими, благословляющую собранная снопы
хлеба, молим Тя, Всемилостивая Владычице: род человеческий, осужденный
в поте лица своего снести хлеб, в болезнях родити и в печалех питати чада
своя, милостивно пощадити и заступи. Даруй нам здравие и благомощие, да
питаемии Тобою от силы в силу возрастати будем и вси исполнимся радости
и утешения от щедротельных десниц любве Твоея, зовуще Тебе:

Ра́дуйся, младенцев млекопитательнице;

ра́дуйся, усты детей хвалу Богу совершающая.

Ра́дуйся, роса неботочная в знои трудов сущим;

ра́дуйся, подающая требующим благодать.

Ра́дуйся, просящим изобилие уготовляющая;

ра́дуйся, многажды прошения предваряющая.

Ра́дуйся, печальных утешение;

ра́дуйся, скорбящих веселие.

Ра́дуйся, Благодатная, Господь с Тобою, подаждь и нам, недостойным,
росу благодати Твоея и яви милосердие Твое.

Кондак 12

Благодатную помощь низпосли нам, Мати Божия, и егда избыдет сея
сеяти, да не падут семена при пути или посреде терния, или на камени, но на

землі добрей. Сотвори́ восход их, да произрастѣтъ земля́ плод стори́цею, и мы вси в радости́ сѣрдца благодарными́ усты́ вопиѣмъ Бѣгу: Аллилу́иа.

Икос 12

Пою́ще чудеса́ Твоя́ и мѣлости, Владѣчице Богородице, хва́лим Тя вси, яко́ воистину́ еси́ наша́ Помощница, Заступница, Питательница и Домостроительница, житиѣ́ наше ко спасѣ́нию устрояющая. Тѣмже вопиѣмъ Ти:

Ра́дуйся, богáтство нетлѣнное нам подава́ющая;
ра́дуйся, бра́шно неги́блющее а́лчущим правды.
Ра́дуйся, питиѣ́ неисчерпа́емое жа́ждущим жи́зни;
ра́дуйся, землѣ́ обетова́ния, из нея́же течѣтъ мед и млеко́.
Ра́дуйся, вѣрных спаси́тельное прибе́жище;
ра́дуйся, покрóве мѣру, ши́рший о́блака.
Ра́дуйся, ненаде́жных наде́яние;
ра́дуйся, отча́янных спасѣ́ние.

Ра́дуйся, Благода́тная, Господь с Тобо́ю, пода́ждь и нам, недостóйным, ро́су благода́ти Твоея́ и яви́ милосѣрдие Твое́.

Кондак 13

О́, Всепѣтая́ Мати, ро́ждшая всехъ святѣ́хъ святѣ́йшее Сло́во! Нѣнешнее́ наше́ приѣмши приноше́ние, изба́ви лю́ди к Тебѣ́ прибега́ющия от вся́кия нѣжды, гла́да душе́внаго и телѣснаго, смертоно́сных болѣзней и вся́каго зла и вѣчныя́ изми́ мѣки, да с ли́ки А́нгельскими́ непреста́нно поѣмъ Бѣгу: Аллилу́иа.

Молитва.

О́, Пресвята́я Дѣво́ Богородице, Премѣлостивая́ Владѣчице, Цари́це Небесе́ и землѣ́, вся́каго до́ма и семе́йства христиа́нскаго благоустроительнице, тружда́ющихся благослове́ние, нужда́ющихся неисто́щимое богáтство, си́рых и вдови́ц и всехъ люде́й корми́тельнице! Питательнице́ наша́, ро́ждшая Пита́теля вселѣнныя́ и Спори́тельнице́ хлебо́в нашихъ, Ты, Владѣчице, низпосыла́еши Твое́ ма́тернее благослове́ние градо́м нашимъ, сѣлам и нѣвам и коему́ждо до́му, на Тя упова́ние имѣ́щему. Тѣмже с благоговѣ́йнымъ трѣпетомъ и сокруше́ннымъ сѣрдцемъ смире́нно мо́лимъ Тя: бу́ди и намъ, грѣшнымъ и недостóйнымъ рабо́мъ Твои́м, му́драя домостроительница, житиѣ́ наше́ до́бре устрояющая. Всехъ же прибега́ющихъ к покрóву Твоему́, вся́кий домъ и семе́йство во благоче́стии и правосла́вии, единомы́слии, послуша́нии и дово́льстве соблюди́. Ни́щия и неиму́щия пропита́й, ста́рость поддержи́, младе́нцы воспита́й, всехъ вразуми́ преискренне́ взыва́ти ко

Господу: хлеб наш насущный даждь нам днесь. Сохрани, Пречистая Мати, люди Твоя от всякия нужды, болезни, глада, огня, от всякаго злаго обстояния и всякаго нестроения. Обители [или веси] нашей [или граду нашему], домом и семейством и всякой души христианской и всей стране нашей исходатайствуй мир и велию милость, да славим Тя, Премилостивую Питательницу и Спорительницу нашу, ныне и присно, и во веки веков. **А**минь.